

**LUIX INTXAUSPE AROZAMENAK**, Garbitania Zero Zabor S.M. sozietateko administrazio kontseiluko idazkariak, honako hau

### **ZIURTATZEN DU**

Garbitania Zero Zabor S.M.ko Administrazio Kontseiluak, 2017ko uztailaren 13an egindako bilkuran ondorengo ERABAKIA hartu duela:

1.- Hernaniko udalerrian selektiboki jasotako errefusaren transferentzia zerbitzua burutzeko kontratuaren esleipena erabakitzea.

2017ko martxoaren 31n Garbitaniako Administrazio Kontseiluak burutu bilkuran goian aipaturiko kontratazio prozesua abiarazteko erabakia hartu ostean, 2017ko maiatzaren 17an argitaratu zen Gipuzkoa Aldizkari Ofizialean.

Eskaintzak jasotzeko epearen barruan ondorengo eskaintza bakarra jaso zen:

- Traeco Ingurumena S.M.

Eskaintza hau Garbitania Zero Zabor S.M.ko gerentziak, Ingurumen Teknikariak, Koordinatzaile batek eta langileen ordezkari batek, Usurbilgo Udal Zerbitzu saileko zinegotziak eta Hernaniko Udal Ingurumen saileko zinegotziak, osatutako mahaiak aztertu du. Eskaintzan aurkeztutako dokumentazioa nahikoa izan da balorazio teknikoa burutzeko.

Eskaintza bakar honekin puntuak kalkulua burutu da, Plegu Administratiboetako 12. atalean zehazten den moduan.

Aurkeztutako eskaintza bakarra lizitazio prezioaren azpitik dagoenez **70 puntu** lortu ditu.

Ondoren proposamen teknikoaren puntuaketa kalkulatu da. Isurketen aurrean garbiketa ahalmenari dagokionez, lan horretarako eskaintzaileak alokairu bidezko ibilgailua aurkeztu duenez **5 puntu** dagozkie.

Proposamen teknikoaren barruan, matxura edo istripu kasuetan kontainerra ordezkatzeko ahalmenari dagokionez, eskaintzaileak bere jabetzan dituen kontainerrak aurkeztu ditu **15 puntu** dagozkiolarik.

Hortaz, egindako kalkuluak kontuan hartuta, ondorengo taulan zehazten dira aurkeztutako eskaintza bakarrak atal bakoitzean lortutako puntuak eta guztizko puntuazioa:

<b>TRAECO</b>	<b>Proposamen ekonomikoa</b>	<b>Garbiketa ahalmena</b>	<b>Kontainerra ordezkatzeko ahalmena</b>	<b>PUNTUAZIOA GUZTIRA</b>
1	70,00	5,00	15,00	<b>90,00</b>

Taula honetan zehazten den moduan, eskaintzaileak 90,00 puntu lortu ditu guztira.

Azkenik, aurkeztutako eskaintzak dagozkion pleguetan eskatutakoa betetzen ote duen aztertu da. Azterketa honen ondorioz ziurtatzen da aurkeztutako eskaintzak betetzen dituela eskatutako betebeharrak.

Horrela, eskaintzarik onena TRAEKO INGURUMENA S.M.-k eginikoa dela deliberatzen du kontratazio mahaiak, Administrazio Kontseiluari jakinarazten diona.

Hori guztien arabera, Garbitania Zero Zabor S.M.ko Administrazio Kontseiluak uztailaren 13an burutu bilkuran, kontratazio mahaiaren eskariz aho batez honakoak adosten ditu:

**Lehenengoa.-** Hernaniko udalerrian selektiboki jasotako errefusaren transferentzia zerbitzua burutzeko kontratuaren esleipena Traeco Ingurumena S.M.ri esleitzea, 85,58€/garraioa salneurrian (BEZ barne)

**Bigarrena.-** Traeco Ingurumena s.m. enpresari hartutako erabakia jakinaraztea eta eskatzea agiri hauek aurkeztu ditzan **eskaera hau jaso eta hurrengo egunetik hasita hamar (10) lanegunen barruan:**

- Administrazio klausula partikularren agiriaren 11. Puntuan jasotako baldintzak betetzen dituela ziurtatzen duten dokumentuak.
- Zerga-betebeharrak eta Gizarte Segurantzarekikoak egunean dituela egiaztatzen dituenak.
- Kontratua gauzatzeko beharrezko dituen eta atxikitza konprometitu den baliabideak benetan badituela ziurtatzen duten agiriak.
- Laneko arriskuen prebentzioari buruzko dokumentazioari dagokionez honakoak:
  - Enpresak hartu duen prebentzioaren antolaketa moduaren ziurtagiria.
  - Lan arriskuen ebaluazioa, bere jarduerari dagokiona.
  - Beraien lanpostuan aritzeko langileen mediku-gaitasun ziurtagiriak (osasun zaintza)
  - Langileek, egiten duten jarduerari buruzko beharrezko informazioa eta prestakuntza jaso dutela egiaztatzen duen ziurtagiria.
  - Langileen lanpostuen jardueretarako beharrezkoak diren Norbera Babesteko Ekipamenduen entrega ziurtagiria eta hauek erabiltzeko beharrezko informazioa eta prestakuntza jaso dutela egiaztatzen duen ziurtagiria.
  - Lanak egingo dituzten langileen zerrenda
  - Langileen TC1 eta TC2 kotizazio agiriak eta Gizarte Segurantzari kuotak ordaintzen direla ziurtatzen duten agiriak
- Erantzukizun zibileko polizaren kopia. Bere estaldura gutxienez 300.000 eurokoa izango delarik.
- Ibilgailuen seguruen kopia.
- Era berean EJZn kontratuak duen helburuari dagokion epigrafean alta emanda dagoela ziurtatu beharko du, horretarako alta edo azken erreziboaren aurkeztu beharko duelarik.
- Behin betiko bermea eratu duela egiaztatzen duen agiria.

- Deskribatutako hondakina bildu eta garraiatzeko Eusko Jaurlaritzako Ingurumen eta Lurralde Politikako sailak Hondakin eta Lur kutsatuen 22/2011 Legean jasotako aktibitateak aurrera eramateko beharrezkoak diren baimen eta erregistroen jabetzan dagoela ziurtatzen duten agiria

**Hirugarrena.-** Garbitania Zero Zabor S.M.ko lehendakari eta gerenteari ahalmena ematea, eskatutako dokumentazioa aurkezten denean kontratua gauzatu dezaten.

Eta horrela jasorik gera dadin eta dagozkion ondorioak ekar ditzan, agiri hau egin dut, lehendakariak ikusi eta ontzat hartu duena.

Hernanin, 2017ko uztailaren 18an.

O.I



LEHENDAKARIA



IDAZKARIA